

UNIVERZITET U SARAJEVU  
ELEKTROTEHNIČKI FAKULTET U SARAJEVU

Broj: 041-649/12  
Sarajevo, 05.03.2012. godine

Na osnovu člana 213. Pravila Elektrotehničkog fakulteta u Sarajevu - Prečišćen tekst broj: 01-01-2966/09 od 09.10.2009. godine, Pravila studiranja za drugi ciklus studija na Univerzitetu u Sarajevu i prijedloga Prodekana za nastavu Elektrotehničkog fakulteta u Sarajevu broj: 02-2-593/12 od 29.02.2012. godine, Nastavnonaučno vijeće Elektrotehničkog fakulteta u Sarajevu na svojoj 125. redovnoj sjednici održanoj 05.03.2012. godine donosi

**ODLUKU**

**I**

Polaganje prijemnog ispita uvodi se kao uslov za upis u prvu godinu II (drugog) ciklusa studija na Elektrotehničkom fakultetu u Sarajevu, počevši da upisa u studijsku 2012/2013. godinu.

**II**

Prijemni ispit za upis u prvu godinu II (drugog) ciklusa studija sprovodi se po odsjecima Elektrotehničkog fakulteta u Sarajevu na način kako slijedi:

- Prijemni ispit iz Matematike i Osnova automatike i elektronike polažu kandidati koji se upisuju na redovni studij - troškove studija snosi osnivač, redovni studij - troškove studija snose sami studenti, redovni studij - studenti strani državljani i kandidati koji se upisuju na vanredni studij, na Odsjeku za automatiku i elektroniku, ukoliko ranije nisu položili prijemni ispit na Elektrotehničkom fakultetu u Sarajevu.
- Prijemni ispit iz Matematike i Osnova elektroenergetike polažu kandidati koji se upisuju na redovni studij - troškove studija snosi osnivač, redovni studij - troškove studija snose sami studenti, redovni studij - studenti strani državljani i kandidati koji se upisuju na vanredni studij, na Odsjeku za elektroenergetiku, ukoliko ranije nisu položili prijemni ispit na Elektrotehničkom fakultetu u Sarajevu.
- Prijemni ispit iz Matematike i Osnova računarstva i informatike polažu kandidati koji se upisuju na redovni studij - troškove studija snosi osnivač, redovni studij - troškove studija snose sami studenti, redovni studij - studenti strani državljani i kandidati koji se upisuju na vanredni studij, na Odsjeku za računarstvo i informatiku ukoliko ranije nisu položili prijemni ispit na Elektrotehničkom fakultetu u Sarajevu.
- Prijemni ispit iz Matematike i Osnova telekomunikacija polažu kandidati koji se upisuju na redovni studij - troškove studija snosi osnivač, redovni studij - troškove studija snose sami studenti, redovni studij - studenti strani državljani i kandidati koji se upisuju na vanredni studij, na Odsjeku za telekomunikacije ukoliko ranije nisu položili prijemni ispit na Elektrotehničkom fakultetu u Sarajevu.

**III**

Prijemni ispit na svim odsjecima se vrši testom u ovjerenom duplikatu, od čega jedna kopija ostaje Elektrotehničkom fakultetu u Sarajevu, a druga kandidatu.

#### IV

Odluka stupa na snagu danom donošenja.

#### V

Stupanjem na snagu ove Odluke, prestaje da važi Odluka Nastavnonaučnog vijeća broj: 04-1-2653/08 od 13.10.2008. godine.

#### *Obrazloženje*

Rješenjem Kantonalne uprave za inspekcijske poslove - Inspektorata rada, zaštite na radu, socijalne zaštite i obrazovanja broj: 14-09/10-38-12782-5/11 od 14.11.2011. godine, Elektrotehnički fakultet u Sarajevu je upozoren da uslove za upis na II (drugi) ciklus studija definira u skladu sa Zakonom o visokom obrazovanju ("Službene novine Kantona Sarajevo", broj: 22/10 - Prečišćen tekst) i Pravilima studiranja za drugi ciklus studija na Univerzitetu u Sarajevu prilikom upisa studenata u studijsku 2012/2013. godinu. Dopisom Ministarstva obrazovanja i nauke Kantona Sarajevo broj: 11-05-38-26243-2/11 od 21.11.2011. godine i Univerziteta u Sarajevu broj: 0101-38-3489/11 od 06.12.2011. godine sugerirano je da Elektrotehnički fakultet u Sarajevu izmijeni Odluku Nastavnonaučnog vijeća broj: 04-1-2653/08 od 13.10.2008. godine kojom je definirano pravo upisa na II (drugi) ciklus studija na Elektrotehničkom fakultetu u Sarajevu. Na osnovu izloženog generiran je prijedlog upućen Nastavnonaučnom vijeću da se Odluka broj: 04-1-2653/08 od 13.10.2008. godine stavi van snage, a umjesto nje da se uvede prijemni ispit za upis na prvu godinu II (drugog) ciklusa po odsjecima kako je naprijed navedeno. Nastavnonaučno vijeće Elektrotehničkog fakulteta u Sarajevu je jednoglasno usvojilo prijedlog, te je odlučeno kao u dispozitivu.



DEKAN

Red. prof. dr. Narcis Behlilović, dipl.ing.el.

Dostaviti:

1. Kantonalnoj upravi za inspekcijske poslove - Inspektorat rada, zaštite na radu, socijalne zaštite i obrazovanja
2. Univerzitetu u Sarajevu
3. Prodekanu za nastavu
4. Studentskoj službi
5. Odsjeku za automatiku i elektroniku
6. Odsjeku za elektroenergetiku
7. Odsjeku za računarstvo i informatiku
8. Odsjeku za telekomunikacije
9. web stranici Elektrotehničkog fakulteta u Sarajevu
10. a/a